



全邊略記 下





| | | | |
|-----|---|---|---|
| 漢書門 | | 九 | 二 |
| 類 | 號 | 一 | 四 |
| 函 | 架 | 一 | 二 |
| 冊 | 冊 | 六 | 四 |

| | | |
|------|---|---|
| 内閣文庫 | | 漢 |
| 類 | 號 | 九 |
| 冊 | 架 | 二 |
| 冊 | 冊 | 一 |
| 冊 | 冊 | 二 |
| 冊 | 冊 | 四 |
| 冊 | 冊 | 六 |

| | |
|------|-----------|
| 内閣文庫 | |
| 番號 | 漢 9116 |
| 冊數 | 24 (14) |
| 函號 | 292 136 |



撫胡世寧奏國初設松潘軍民司。控制羣番爲全蜀障。松城内外地皆熟番爲我服役。故有八郎等四安撫。比定等十七長官司。其南路至疊溪千戶所。又有鬱郎等二長官司。再南至茂州衛。又有靜州等三長官司。其東路至小河千戶所。再東至龍州。則近白馬路。長官司皆受約束。及後任用非人。撫御失宜。熟番多畔。松城四外盡皆仇敵。而東南二路僅一線之通。景泰間添設總兵都御史專治松潘。然會城又設巡撫。彼此牽制難於行事。以致舊維州之失。竟不能復。



董卜韓胡之強。終不能制。然彼時東南二路。猶皆可通。及後去都御史。分設兵備副使三員。一治松潘。一治疊溪威茂。一治茂州。以東壩底徐塘等。僅路抵龍川。謂之小東路。住劄綿州。叅將二員。每歲會皆遊擊。率兵與偕。兵威猶振。後革遊擊。承平日久。巡撫惟事保守。務爲欺隱。軍殺一番。則罪以擅殺激變。番殺一軍。則罪以玩寇失機。官軍喪氣。惟扣糧閉門。以賂番。或棄兵械爲番役矣。番人益橫。邀劫道路。殘破關堡。匿不以聞。不幸敗露。反以誘之下吏。因循歲月。坐致

部堂。稱爲老成。南路阻塞。則職此由。今欲通之。要在威信兼立。撫治兼施。用人才。添兵將。更賞罰。足財用。四者而已。四川芒部。母響等。苗數起。部議畢節等衛。屬貴州。而鈐轄官多在四川。彼此推託。宜于敘瀘大壩。設官兼制。撫又土官。奢爵隴壽隴川等。乃命都指揮何卿督之。卿乃請兵誅芒部之陽順陰叛者三年。何卿勦芒部。斬擒二百計。賊首隴政奔烏撒。久之不出。部議宿兵耗餉。輕信寡謀。革何卿冠帶。以勦自贖。都御史王軌獲賊首隴政于水西。追芒部印。斬獲以

七百計。御史劉廷篔曰。隴政真偽。未可辨也。六年。芒部餘賊沙保等叛。攻鎮雄府。陷之。執知府程洸。奪其印。洸得脫。奔畢節。蓋初設流官。夷情未帖。幸旦夕之安。不亟收賊裔。隴勝令沙保得擁孺子。以煽禍。拊循者之罪也。黔國沐紹勛奏。地方多事之故。土官坐久未襲者。宜趣督所司保勘之。部言武臣不得與襲事。上曰。雲南不寧。皆因土官不得承襲。令夷人無統。遂至生事。釀成大患。未免煩征。會勘奏保。往往避嫌推調。展轉行駁。動至十數年。緣爲奸利。豈綏懷遠人

之意。自今承襲事宜。皆令鎮守撫按會行三司。如例催勘。有蹈前弊者。罪之。七年正月。雲南土舍安銓作亂。侵掠尋甸。府嵩明州木密楊林等處。巡撫傅習檄兵備黃昭道。周奎歐陽席。以兵討之。大敗。賊遂陷尋甸。嵩明。殺指揮王昇。唐功。千戶部彬。趙俸等。知府馬性魯棄城走。事聞。切責沐紹勛。發夷漢兵夾勦。二月。都御史王廷相勦鎮雄之叛。沙保等撫招夷。羅以平。雲南武定土舍鳳朝文作亂。戕同知以下官吏。與安銓直圍省城。滇中大擾。命伍文定爲兵書提督。四

省兵討之。梁材爲侍郎督餉三十萬以從。七年大學士一清等疏。近者雲南安銓構亂。集四鎮之兵以勦一隅之寇。廟謨宸算已無遺策。顧兵凶戰危。撲之不。早禍結可憂。竊以雲南荒服。前代不入版籍。我太祖特命西平侯英克服之。又以諸夷雜處。易動難馴。故因其酋長有功者立爲上官。各統所部。子孫世襲。而命西平侯子孫世鎮其地。如身之使臂。如臂之使指。凡所調遣。莫敢不服。盜賊生發。責在上官。遣一介之使臨之。卽時奏功。此以夷制夷之法。漢兵不過壯。

聲勢。固根本耳。數十年來。土官物故。子孫應襲者。官司不爲保結。土官往復駁勘。有二三十年不得襲者。止令土舍管事。下人不畏。強陵衆暴。無所不爲。黔國總兵之名。不得自專。凡事必與三司會議。然後得行。積之既久。夷以上官爲不足憑恃。亦復慢令玩法。無所忌憚。待其罪大惡極。然後動勦。軍民困壞。誰之過歟。臣等切思雲南各處土官夷兵。人馬衆多。麗江景東之外。如元江鄧州。比勝姚安。鶴慶寧州。羅次亦佐。蒙化姚川之類。若肯用命。殄滅二賊。不難。何煩他省。

但中間多係不得承襲。亦有緣事提問者。懷怨畏罪。難保必無。彼聞大兵壓境。生疑陰助。二患未平。又生他患。今日急務。宜先收土官之心。陰破從逆之黨。省城迤東。如霑益州土官安慰一族。東州鎮雄。四川東川等府地方要害。俱與安銓連姻。今安慰未襲。卽宜召其酋長。量加賞勞。令所司早爲保勘。使可統攝土人。仍戒諭通賊。自取罪責。曲靖宜宿重兵。斷賊奔路。至于濟傷民。轄威清。積倉廩。選老成。諸策。上深以其言爲然。初鳳朝文欲取武定而有之。詒于衆夷曰。

土府鳳詔母子戮矣。繼而詒奉其母投會城。夷衆相顧錯愕。咸投降。朝文計窮。絕普渡河而走。取道霑益。擬奔東川。至湯郎箐。爲官兵所躡。裂其屍。安銓衆尚盛。駐尋甸。故巢列柵寨數十。官兵夾擊之。俱破。乃併力於必古老巢。潰之。銓奔東川。爲土舍祿雲所執。斬虜二千九百有奇。解散其黨二萬。都御史傅習。歐陽重。同沐紹勛。以提問。詔加祿陞賚有差。初貴州鎮雄府沙保之亂。官軍搗其巢。謂沙保已斃。未幾其子普奴復糾衆不軌。數年罔功。兵書李承勛。以伍文定

專主用師爲失計。嘗于乞休疏中及之。復極言遠夷無所用之。不足煩兵。臣查得隴勝真爲隴壽子。夷人重骨脉。共有推戴之義。御史戴金言。授勝佐貳。以收夷心。設兵備于畢節。同叅戎于永寧。其言可採。上因取文定回京。其芒部夷情。令沐紹勛區畫之。初雲南緬甸。木邦隴川孟密孟養等處。土夷忿爭相殺。歲久未平。各以其情來奏。下鎮巡等官按問。總兵沐紹勛巡撫都御史歐陽重。會委叅政王汝丹知府嚴時泰等。徧歷諸夷。譬以禍福。諸夷皆服罪。退還侵地。而

木邦宣慰司罕烈。孟養賊孽思倫。各貢牙象土錦金銀器物求贖。隴川逆舍多鯨。亦聽還職。兄子多叅。至是紹勛等奏言。木邦孟養戕殺無辜。多鯨手刃兄母。律以王法。罪不容誅。但邊徼諸夷。忿讎常態。今旣輸服。請許令追貢自贖。仍請戒孟養思倫。毋交通猛別。侵擾緬甸。戒木邦罕烈。毋黨助多鯨。爭奪隴川官職。孟養安撫司土舍思真。以孤軍抗二強敵。竟收捍禦之功。宜加賞勵。緬甸土舍莽啓。歲因祖效。忠構怨。遂遭慘毒。宜令襲職。以全其宗。隴川多叅。孟定罕忽。宜

令還本境招復夷民。其蠻莫孟母等十三處土地廣寬。諸夷歷爭。初議屬之騰衝。撥軍輪守。則煙瘴可虞。欲屬之木邦。則地勢遼遠。夷心不順。莫若仍屬孟密。管食歲徵差千兩。而割孟乃等七處。仍歸罕烈。則分願均而忿爭息矣。得旨。諄切蜀撫唐鳳儀言。自芒部設流。諸夷反者數起。請存隴氏後。不假兵力。禍源永塞。兵書胡世寧議曰。革流官而復隴氏。事體重大。擅難輕議。查得芒部自成弘以來。數自讎殺。時攻剽。畢節界固非以設流官也。今隴氏政以爭釁誅歿。隴

壽又歿。而隴勝方幼。諸夷皆云非隴氏子。故前都御史王軌不得已。奏設流官知府。分四長官司。統其眾。會軌等遷去。知府程洸迂暗。不能拊循。故芒部復亂。今諸夷輒易其詞。云勝真隴氏子。願復其職。夫壽政皆親隴慰子。猶相爭殺二十餘年。今勝非真壽子。一旦得立。使阿濟得弄諸掌服。其他三長官司。所統各寨不服。各尋一隴姓者求立。則昔日戰爭之禍。今復始耳。臣以爲隴勝復土官不便。唐鳳儀奏處芒部七事。一曰因地方以定土流。言芒部異域。夷性異類。不

必執改流之說。拂其故性。二曰順夷情以續絕世。言隴勝乃隴壽所出。爲部落推服。當順其情而復之。三曰尊威令以示懲戒。言旣改芒部爲鎮雄府。今其官可復。其名不必更。四曰存四司以專責任。言芒地延袤數百餘里。難于約束。當存四長官分司理之。五曰明賞罰以定夷情。言阿濟之罪。可以功贖。若以往者。僞報沙保。必欲究治。恐失其心。六曰嚴守備以塞禍源。言畢節爲諸夷出沒之所。川貴之藩籬也。當命整飭威靖兵備。駐劄安莊。以制安南一帶。而於貴州添

設僉事一員。專制畢節等處。七曰下重令以戒聯結。言諸夷姻媾。往往相助。以生讎怨。若水西之于隴壽。烏撒之于隴政。而沙保犯畢節。亦由水西誘引。宜嚴飭之以離其黨。九年革鎮雄府流官。復援芒部土裔隴勝爲通判。署府事。十五年都勻界中酋王阿向者。世據凱口。固爲不靖。官司不能招之。黔撫陳克完督二萬征之。賊立弩樓。疊石。自據其上。乃分破其黨。惡凱等衆日離。宣慰安萬銓以梯釣魚貫于山頂。自土下總兵楊仁。自下上。遂斬阿向二百五十級。降夷二

萬。勅陞賚有差。凱口雖平。其黨王聽等復奪而據之。都御王珊復調安萬銓。攻之以花鎗。前後首虜二百六十有奇。十七年安萬銓以都勻凱口功辭所賞銀幣。乞領參政。部曰。名器可濫乎。仍令受賞。二十二年貴州銅仁平頭苗首龍子賢鎮筰苗首龍科桑作亂。流劫麻陽。時二苗已就撫。麻陽尹朱崇激之。遂復叛。都御史萬鏜勘其事。曰。賊首龍求兒雖聽撫。然善後事宜。當設守臣于湖北。于思仁各設文臣于麻陽。於銅仁。各設武臣在湖者。則常臨六衛。永順等宣慰。

施南等宣撫。筰子坪等長官。及鎮筰九永二守備。隸焉。在貴者。則銅仁等長官。如四川酉陽宣撫。平茶邑。按等長官司。皆隸焉。已而御史繆文龍劾鏜欺罔狀。至辰州時。以千百戶四員往質苗寨。既得龍求兒。置質官于度外。苗戕頭目幸存。其官多金以贖之。求兒母叟庸鄙小醜。借此塞命。旋師之後。跳梁益甚。勦撫兩虛。且銅平鎮筰彈丸地。環峙諸司。果無招納之弊。旦夕成擒矣。爲今之計。以夷攻夷。割地示賞。使各自爲守。他日或有反側。則因地方以挨部落。因部落以

責頭領將畏懷之不暇矣。乞罷黜鐘。二十五年四川白草番爲亂。陷平番堡。莫酒關。虜守弁丘仁。殺百戶耿爵。兵科扈永劾奏。都御史王大用。惟務裁節。所減省纔萬之一。而喪失無算。副帥高鳳崗。昏庸悉當罷。蜀撫張時徹言。往者番奴一族。流入石泉縣白土鄉。號白草番。比者周庚作威召怨。亡命誘劫。我旣失險。賊乃縱橫。令蜀騷然矣。二十六年張時徹督副帥何卿調天全。招討高繼光。馬湖長官王祥鸞。土兵羅猗。建昌諸衛從之擒賊首黑殺白石撒刺。斬首六百九

十。九月楚黔按臣賈大亨。蕭端蒙。咸以銅仁鎮。草未平。二省討賊不力。今楚調六萬。運餉二十萬。而貴州師期不至。勢難獨進。奄忽坐消。彼此匱老。詔逮黔撫王學益。拘之治。二十七年湖貴夾剿。二苗不克降。楚撫姜儀爲叅政。罷征苗之師。六月以黔撫李義壯請復。命都御史張岳總督之。賈大亨奏。湖十年內。兩舉征苗。未奏績者。上官不用命故也。臣僅與守臣計。擬以算子坪各寨苗。分屬保靖宣慰。彭蓋臣約束之。鎮溪各寨苗。分屬永順宣慰。彭明輔土指揮田應

全邊略記
朝約束之。不至縱苗爲惡。挾苗爲重矣。詔如之。總督張岳奏曰。貴州頻困于苗。上下相蒙。以賊爲諱。釀成禍亂。不容不討。今馭者策曰。撫曰守。曰割地已耳。往者賜以魚鹽牛酒花幣冠衿。如奉驕子。不旋日而叛。此撫爲無益。往者常戍小橋毛口。餉不繼。土兵輒私敗去。此守爲無益。諸苗各有舊管矣。割地分隸。舍其舊而新是圖。諸苗未卽甘心。舊管陰相煽激。生他虞耳。今鎮筸就撫。銅仁獨敖。其衆不及三千。必大創。然後可。三十年張岳分楚兵以栗。四狗腦七寨分蜀

兵以呂窩普杓八寨分黔兵。以鬼提麥地十五寨。去秋三稍並進。及冬。岳駐銅仁。蒐彌之。前後斬賊千八百有奇。岳旣奏捷。其賊首龍許保。吳黑苗。窟匿鎮筸。寨乃糾蜡爾冷。水四川小平茶諸苗。詭爲永保哨者。衣其衣。突入思州府。執其守李允簡。縱囚攫庫。蕩燎而去。於是本兵趙錦等。叅論楚撫任轍。總兵沈希儀。及土官彭明輔等。諸失職。大學士嵩言。張岳聽撫之誤也。得旨。切責。住俸褫職。逮問有差。兼責本兵俱罰俸。龍許保又攻石阡府不克。叅將石邦憲購粟四

苗誘龍許保禽之。詔卽梟示貴州境土。雲南元江府土舍那鑑殺知府那憲。屢審勘不奉。詔蓋縱劫村寨。總兵沐朝弼滇撫石簡督武定北勝亦佐土漢兵分其哨五以監司臨之。布政徐樾督餉進臨安府招降甘莊賊勢益蹙。那鑑遣經歷張維請南羨哨乞降。時樾巡餉適與維遇。欲因取以爲功。約翌日鑑面縛出城降。如期樾至元江南門外。鑑不出。縱象馬突之。樾死。朝弼簡集五哨環元江而壁。選路通甘莊二哨之精者備於南羨哨。江那鑑聞知之。徑衝其羸。

倉卒燒營。監司郝維岳疾入李維軍中。皆不支而遁。唯餘南羨一哨得全。武定寧州儂兵以宿恨俱不退。僉事王益浩激獎之迎戰。敗而圍之。鑑請降。我兵懲前事不許。日久瘴毒起。大兵暫撤。俟秋再征。三十一年張岳督石邦憲破羣苗于貓囤龍塘畏隄。餘苗震恐。生縛龍許保以獻。復獲其首惡李通海等。磔于市。苗情大定。訟者就質。不敢私仇。烏朗土官田興邦斬黑苗首以獻。凡有名稱者咸屠。劉無漏苗患遂熄。三十二年滇撫鮑象賢決取元江。那鑑大懼。仰藥死。百

戶汪輔入城撫諭其衆。咸稽首奉命。問戕那憲者。曰阿捉也。問戕徐樾者。曰光龍光色也。悉縛而梟首。命推那氏當立者。衆曰那從仁。那端之從孫也。當立象賢乃疏廢鑑之子。恕貸其死。屬從仁統之。十二月川湖守臣擒龍潭安撫司叛夷黃俊及其黨李仲寔等。俊之子中請軍門降。施州平。三十四年初四川播川宣慰楊烈仇殺長官王黻。黻黨李保治兵相攻者十年。總督馮岳總兵石邦憲平之。其善後之宜。有曰三省接壤。如四川餘慶之走馬坪。播州之三渡關。貴州

石阡之龍泉。各立一堡。移銅仁叅戎于石阡。移思石守戎于龍泉。設郡別駕于播州。責監司以巡歷。覆可。三十九年雲南緬酋莽噠喇與孟密孟養世有仇。莽噠喇故與孟密婚。奪其印而假道以掠孟養。仍致隴川於岸南甸。搖煽之。知內地有備而遁。守臣以聞。朝廷報曰。宣示恩威。與之更始。四川東川軍民知府祿慶死。子位幼。妻安氏攝府事。營長阿得革者擅權。求烝安不得。乃縱火焚走武定。爲所殺。得革之子堂奔烏撒。結以賄。土官安泰入囚。安氏奪其印。安萬銓

全邊略記
素與祿氏姻。乃攻阿堂。又脅安九鼎。殺其妻子。堂治兵相攻。侵及羅雄州境。堂聽勘服罪。乞代死。復以其幼子詭祿氏承襲。滇撫游居敬請討之。阿堂爲其營長者。阿易所殺於戛來矣。石之地。子阿哲就擒。安萬銓以經歷印昇祿位。妻寧著署其政。以照磨印昇羅雄土官者。濬而自取東川府印藏之。議者藉藉。謂其陰據東川之志。按臣王大任彈其私擅標署。後竟鑄東川印給寧著焉。初銅仁都勻二府苗行劫。黔帥石邦憲方出淑浦。聞變馳還。率安大朝勦之。進先彪山。

略定諸寨。蒐捕其首乃龍老羅等。衆悉降。詔賞總督黃光昇。撫高昇帥邦憲銀幣。獎之。石邦憲旣而平播州之亂。容山長韓甸與正管張問治兵。橫行二十餘年。官司不能制。邦憲擒甸並其妻子。先是裨弁乘勝入甸巢。暮雨迷失道。葉勳魏國相陷其伏死。大司馬議其功過相準也。初播州土司原屬四川。統轄徵稅。而其地多在貴州之境。嘉靖初。詔改屬貴州。思石兵備矣。已而夷情以爲不便。二省守臣各異議。有詔下總督羅崇奎勘議。仍以播州隸四川。分屬川

東守巡重夔兵備三道。而貴州思石兵備道。照舊兼制播西平邑等土司。仍改給勅書。重事權。以彈壓之。四十二年。雲南武定土知府鳳詔故母瞿氏襲瞿老舉。詔妻鳳。索林自代。索林襲後。遂失姑婦禮。瞿大悔之。收異姓兒繼祖。入鳳氏宗圖。嗣職不克。則具疏自訴。爲索林囚。令繼祖詣闕告變。歸卽詐稱受朝命。得襲奪府印。索林將誅繼祖。謀洩。繼祖遂大發兵圍府。索林抱印奔會城。巡撫曹忭下令收印。逮其左。右鄭竑聽瞿氏理府事。巡按孫用以爲方。繼祖發兵。

時守臣旣名之爲賊。令鄭竑先坐議。不令爲諸夷笑乎。麻者繼榮。爭贅于霑益。尼繼光高欽。跳梁于姚安。與夫于崖南甸之仇。順寧永平之擾。所恃讐服者。朝廷之法耳。繼祖罪逆顯著。所宜首問。四十三年。都勻平州長官楊進雄。以其兄子珂爲嗣。後生子治安。而疎珂。珂怨望。進雄乃逐珂。奪其產。珂得土苗心。據唐宿岡。進雄敗走。屠其家。都御史趙越請更土爲流。以填之。楊治安計不便。乃割六洞地。賂土酋蒙繼武。繼武乃大攻珂。而墾洞地。洞人不服。復助珂互攻。从

之黔撫吳維嶽招之。珂自縛詣軍門。六洞遂安。改土
爲流。守臣叨賞。石邦憲復平龍里衛阿利之叛。斬戮
數百人。餘黨以平。四十五年。四川龍州宣撫薛兆乾。
與本司副使李蕃相訐。遂執蕃父子殺之。軍門檄勘
其事。兆乾懼。遂糾白草番據關。絕命拒軍。不利。十八
族皆敗去。奔石灞。我軍追擒之。初。叅政賀麟見王思
等受其賂。許爲解已而不效。兆乾執麟見囚之。至是
其隱皆發。川湖撫勦土寇黃中。功罪久不決。給事中
舒化奉使由楚入蜀。具得其狀。上言賊巢在楚蜀之

交。讎殺之害在蜀。故川主勦。湖主撫。川雖勦。然仍遣
千戶魯景蔡監生陳一言等往招楚。雖撫。然仍督宣
慰彭翼南。舍把彭崇賢等進攻。兩省互川。黃中投降
之志始決。其所以之楚者。以結怨在川。求生在楚耳。
在楚則曰撫之功。在蜀則曰勦之功。謂餘黨尚存。其
實支羅自黃中降後。餘黨千餘。皆已就撫。惟兩省持
論不決。故降人稍自疑懼。潛有異端。而四川南岸之
民。必欲盡滅支羅之族。每過爲播揚。有司亦藉口以
證撫昨非而勦今是。皆非公言也。黃中旣誅。宜放妻

子弟姪并諸黨慰小夷之心。全大國之信。仍令巡撫譚綸楊豫孫會勘之。巡撫譚綸言。薛兆乾伏誅。薛氏不可復立。宜如馬湖事例。改設流官。其土民散處寧羌利保者。悉入版圖。改龍安府。隸于川西安綿道。而宣撫司以薛兆芝襲之。降爲知事。轄諸夷。雲南撫呂光洵既遣鄭竑回武定府。鳳繼祖執而殺之。糾衆攻新城。臨安府百戶李鰲等援于鷄街。遇伏死。僉事張澤督千戶劉裕馳救之。敗被害。隆慶三年副使張守魯諸道兵並進。繼祖懼奔入四川會里州。依

其婦家。賊帥者色。斬繼祖以獻。妙安同知高欽餘黨也。並擒之。土官助戰者。祿紹先也。斬獲千五百有奇。上治失事者罪。賞有功者。鳳索林安置省城。猶不欲絕鳳氏後。簡其支屬鳳曆之子思堯授以經歷。曆仍怨望作亂。夜襲武定城。知府姚崇寅嚴備。斬之。曆之犯也。宣慰安國亨與其謀。既而與安信相攻。朝廷遣勘之。國亨懼。誅乞哀。執獻其黨阿弟吳瓊等。以降各官其子而赦之。黔撫阮文中之檄也。萬曆二年正月西南夷都蠻有九絲凌霄等寨。皆天險。僉人屯

聚其中。出沒爲寇。隆慶初。屬守臣土告。朝議命曾省吾往討之。省吾有偉略。徵兵積餉。爲坐困之形。而募死士。從間道搗其虛。先是有以閩事論總兵劉顯者。首輔居正曰。臨敵易將。兵家所忌。倘蜀事不效。當併閩事。逮治之。于是顯以平蠻自效。凡越六月。而凌霄九絲等寨悉平。五年秋。雲南土官普崇明兄弟構爭。巡撫鄒應龍輕信中軍楊守廉。移兵進勦。儂寇乘之。兩致喪師。應龍去。繼撫王凝計擒元惡。撫處殘儂。亂定。詔戮守廉。傳其首。八年。伍開軍餘作亂。先是

苗夷慄悍。衛所人各結款自備。久之。款黨日增。敢于稱亂。郡人畏款甚于苗。守備林維喬繩之。弗便也。遂羣起逐喬。而中右所款自相鬪。殺傷甚衆。靖州守李瀾以治苗法治之。各輸金爲罰。款人益驕。尚書梁夢龍議移叅將鄧子龍備伍開焉。十一年。雲南總兵沐昌祚報緬甸莽應裏入寇。詔嚴備之。十二年。雲南邊臣劉世曾奏報將佐沐昌祚鄧子陽劉綬。俘斬隴川土蠻岳鳳莽糜啞等。首虜三千一百級。十三年。播州楊應龍進大木助工。上特給大紅飛魚服。龍虎

將軍應龍每從征。見官兵弱。輒從土司借級。遂驕蹇。輕漢法。所居僭擬。嬖小妻田雌鳳。疑妻張外淫。封刃命取其首。初感七姓。虐所屬黃平等五司。久而覺其欺。奪其權。七姓因反噬。應龍疑衆不附。結關外生苗爲翼。肆行劫掠。夢熊受變。告於有司。主用兵行勦。朝議行兩省會勘。應龍願赴四川。不赴貴州。十二月。貴州羅雄蠻亂。撫臣舒應龍調土官隆有義兵破平之。西羌松茂諸番構亂。楊柳番主兒與太平堡解牛傭。食肉而斃。意醜之也。遂嘯攻普安堡。掘水崖掠。

石門格殺百戶陳克勤。大帥李應祥。兵備劉禹謨。提三千人克蟬蟀寨。番不可爲動。冬進攻平夷堡。圍蒲江關。命徐元太秉鉞視師。下符分詣播州西陽平茶馬瑚集兵以叅議王鳳竹謝詔監其軍。十四年正月。周于德將營鑼嶺。邊之垣將酉兵營蕎壩。郭成將敘馬兵營黃沙。朱文達將平茶兵營茨構。磔占柯等三十人。破呵牛玉琢等砦。已又襲阿孝。圍沒舌。克蜈蚣。已又夜渡江。擊西坡等寨。捕乃思四人。已又牛尾得捷。斬合兒結父。前後浮馘千七十餘人。焚其碉房千。

六百時邛部黑骨西南夷沿襲如故部長嶺栢死其族阿祭逐胤奪符河西則五咀咱桐槽則王大咱中鎮則瓜祿赤口則撒假衰兇鞠頑徐元太旣平維州三城有事御南第其界速臙乃經入凉山裨將偶違制不利元太以疏請焉閱兵四道戎司則周于德宰調元邊之垣郭成朱文達兵備則武尚耕李士達周光鎬監大帥李應祥以行十五年四月自去冬誓師有官廖馬河木瓜利濟之戰殺斬白祿等唯凉山天險諸莫敢先發咸贊銷兵元太不可奪籌水陸道輸

川東粟我師駐赤口破田壩魚坑拖梅白岩生擒撒假又破黑窰攻黃郎搜飛石而鱷普王之毒解安興之頸繫幕府功二千三百有奇禽馘大酋幾十數元太疏曰上下川南叛獮在建昌則有木託安守樟木善五咀咱之害在冕山則有桐槽王大咱之害在越嵩則有邛部黑骨夷之害在峩眉則有臙中瓜夷之害在馬瑚則有臙中凉山赤口與黃雷等之害名雖不同情則互煽幸而故土盡還殘叢多革乃條上善後十五事開縣正疆設官墾土上悅冬次第增秩

賜金褒之。十六年嚴覈雲南冒功之官。先是雲南巡按蘇瓚核迤西事上言。破緬之役。皆蠻莫思順諸酋功。兵備李材以旱曩頂請援。使裨將杜楛等七人提兵一千從金沙江行。未至中道。聞夷兵罷。乃壁貫屯五章。會有夷商三十餘艘過。乃殺百人。而以夷地病故男婦及兵士病故者悉割首抵級。併原捕生口喇瓦散等七人上功。莫府妄稱萬級。必如軍書所上。請問密堵去騰衝二千七百里。擺古一千八百里。何往來不及一月乎。七月望日材以生辰在司受賀。而屯

兵境外者何人。遮魯密堵。或近猛密。或近蠻哈。相去遠甚。何謂入城連破。並在一時。首功既三千有餘。何勘驗不及一千。而云爲思化所焚。獲夷民至一千二百。何不安插。而云各夷不欲出獻。拓地至二千里。何猛密尚爲緬據。且阿坡二十八寨。以不送例錢。誣之爲反。二千人戮之。無遺。撫臣劉世曾亦疑之。書奏詔逮材等。而世曾亦自劾不能簡發。至是科部覈實。命黜世曾爲民。材與遊擊劉天俸俱以詐冒坐棄市。罪四川撫臣徐元恭奏。邊將李應祥。俘斬邛部屬夷

賦乃等。一千八百六十三級。立屏山縣于馬湖。十七年。播州宣慰司楊應龍所部何恩。宋世臣上變。告應龍反。貴州巡撫葉夢熊請兵討之。楊氏于唐永。據有南詔。歷宋元世。官其地。國初。楊鑑內附。改宣慰司。應龍于隆慶壬申襲職。從征哈麻。先登。多斬獲。從征九絲。捕虜無算。從征楊柳溝。却敵先登。先後賜金幣。二十年。逮楊應龍。詣重慶府對薄。法當斬。應龍請征倭自效。乃舍之。二十一年。石壁舍馬邦聘攻其女。宣撫覃氏上書曰。臣自從征疊茂。擊破大雪山。斬虜一千

級。兩臺不以臣女流。賜之獎。曰。紀律嚴明。衝鋒第一。今邦聘無故而虔劉我孤人之子。寡人之妻。臣請比先年楚金洞舍謀篡事。願以聘就吏。二十三年。總督邢玠乘傳至蜀。檄曉楊應龍。以嗜劉事。許以不死。水西宣慰安疆臣請其父國亨卹典。尚書石星手札示疆臣。趨應龍就吏。得贖罪。重慶太守王士琦屬綦江令往宣諭之。卽以五月八日單騎往松坎。應龍面縛道周。請死。膝行前席叩頭流血。請得比安國亨太守爲請。以七月二十四日詣綦江。縛獻黃元等十二人。

諭應龍死得贖。輸四萬金。命其子朝棟。以土舍受事。設撫夷同知治松坎。永寧土婦奢世續。上書曰。臣不天。白僕再世而再危我也。請以白就死。贖兒死。先是奢效忠有二妾。世統世續。統生子崇禮。嗣職死。續子崇周。當嗣而幼。統與僕沙卜通。不肯立周。兩婦治兵。相攻五年。崇周爲諸生。竟得嗣職。從討楊應龍。戰甚力。有功。卜子白以蠱飲毒。周死。故續爲之請云。二十四年七月。楊應龍肆逆。劈餘慶土吏毛雲。乘棺磔其尸。又掠石阡。都壩。焚劫餘慶。草塘二司。遍及興隆。偏

鎮都勻。各衛已。又遣兆龍圍黃平。戮及重安。司長官張熹家。二十五年。楊應龍流劫江津。南川諸地。統苗兵大掠貴州。高呼諸屯。又侵湖廣。四十八屯。戮仇民守鑿等。黔撫江東之蜀撫譚希忠。請于合江。綦州。增遊擊禦之。六月。雲南順寧土司猛廷瑞之變。起于奉孝。殺兄爭爵。而廷瑞因親之故。招亡納叛。初尚非有逆謀也。得旨奉孝罪在不赦。猛廷瑞果能擒獻。以贖。姑從輕議。臨沅道李先著躬親招之。廷瑞殺逆獻。印。改土設流。先著之力也。滇撫陳用賓。別遣叅將吳

全通明言
顯忠勦之。復劾奏先著。納賄縱賊。詔逮于理。用賓
竟獲廕子云。于是給事曹于沐劾奏。陳用賓陷死。猛
廷瑞已犯殺降之戒。寃死。李先著更增士類之悲。冒
功陞爵。世襲錦衣。括猛氏歷世之積。飽夷賂。吏賂之
厚。士儀之貨。敢于褻君。褻功之敘。滔及稅當。書奏不
省。二十七年。貴撫江東之令都司楊國柱。率兵三千。
襲楊應龍。拒命迎戰于飛練堡。國柱死。師盡殲。應龍
初無意反。既覆我師。遂不可止。于是朝議以郭子
章爲總督。而起都御史李化龍。節制川湖貴三省兵。

事。決意征。將帥劉綎。麻貴。陳璘。董三元。回兵南征。郭
子章至蜀。卽請設標兵。益調募閩浙滇粵將士。檄總
兵自松藩移重慶。六月二十日。楊應龍引苗兵六萬。
繞綦江城下。以火炮攻之。叅政張棟歿于陣。遊擊房
嘉寵先殺妻子而後死之。張良賢被圍七層。遇害。其
妻懷刃向賊。既就執而釋之。守備胡汝寧赴水而死。
劫庫縱囚。陳兵三溪。爲嫚書以告曰。飛練動激。初未
越境。江軍門加劾擅殺。而房遊擊堅不肯容。乞還次
男屍。縛奸奴何邦卿等數十人。甘于瞑目。生繫馬知

縣爲之質。止言爭界。猶冀曲宥。時重慶密邇無備。賊若乘勝長驅。全蜀門戶隳矣。幸賊不來。總督乃得調集溪土各兵守渝城。移文詰責。示無遠絕。賊具文求撫。不復西向。上聞綦江破。褫川貴二撫譚希恩。江東之各爲民。楊應龍知。朝議不赦。遂焚東坡爛橋。出掠興隆鎮。遠諸衛。貴帥童元擁兵銅仁不前。革職立功。以李應祥代總督。子章爲諭苗。雜言招慰賊黨。總督李化龍議懸重爵及投歸之賞。酋謀士黃七孫時泰等。總管楊兆麟。郭通等。內司何邦宣等。凡百人。

五司七姓。五十四里。八十八局。九股惡苗。紅脚黑脚等。俱得殺應龍而膺其地。二十八年正月。李化龍乃移師渝城。糾集平茶等司。清興黃之道。厚龍婺之防。黔兵略有斬獲。而川中川南大帥劉綎等。克金竹等寨。官壩大營。斬獲三百。二月。應龍攻破龍泉。守備楊惟忠遁去。土官安民志被執。石硅馬千乘。酉陽楊再御。龍疊擊破之。徵調天下兵咸集。各土司亦用命。總督乃分爲八路。川從綦江南川合江永寧入。貴從烏江沙溪白泥龍泉入。楊應龍遣子朝練。將兵迎劉綎。

全邊明言
敗歸。酉陽石砦二司尅桑木關。壩陽永順二司尅烏
江關。綖戰九盤。入婁山關。應龍身率各苗決死戰。綖
壓海龍。困而壘。安疆臣亦奪落濠關。賊勢急。父子止
困死守。賊將楊珠爲砲所擊死。吳廣燒二關。奪三山。
絕賊樵汲。八路兵大集。困下築長圍。困之。應龍久被
圍。散金募死士拒戰。無應者。劉綖破月城。應龍窘。合
室自焚。吳廣獲其妻田氏及子朝棟。露布獻俘。二十
九年正月。黔撫郭子章奏皮林之捷。曰。皮林惡夷。連
年攻剽。繇古州以抵都勻。通播構黎。非一日矣。九股

谷居東。近黔之黃平岩。埋答于居西。近黔之都勻。而
梁上巴野鬼懷石靈諸苗。又左右傳之。總兵李應祥
合三省之師。批擣賊巢。斬級四百一十二。安處苗情
二百四十三寨。四千八百七十戶。納糧三百石。而楚
撫江鐸並蒙賞矣。三十二年。敘播功。李化龍加少保。
郭子章都御史。各廕子世錦。衣衛指揮。劉綖陳璘等。
各陞賞有差。尚書田樂。蕭大亨。各廕子世錦。衣。四川
巡按李時華。奏勘界之局。初播州之役。安疆臣不惟
假道。又且助兵。戰甚力有功。將士分功蔽之。僅以虛

全邊略記
銜酬賞。竟負初約。其靜邊等地。疆臣據于楊酋存日。撫臣必欲反之。于酋亡之後。所以快快卒不服云。雲南巡按宋興祖奏蠻莫宜撫思化之子。思正恃勇殘其隴川。而木邦阿瓦糾衆逼之。思正懼奔騰越。求援于我。阿瓦大兵抵黃連關。而陣境內大懼。副使漆及昌叅將孔憲卿斬思正于龍川驛。兵遂退。惜哉此事。牛僧孺之誅悉怛謀。類此矣。蠻莫當緬水陸之衝。有蠻莫則外蔽三宜。內障騰永。遠通六慰。一旦束手而授之阿瓦。六慰皆失。三宜任轍。寇逼門庭。率有蠢動。

徵調何及。得無危殆。昔年思化衆議處之。撫臣陳用賓特主容留。以捍緬。尋以征緬功。授土同知。思化沒而思正繼正。雖戕夷內屬仍舊。今屬求救。不救則已。且殺之。令土地失而身首異處。凡爲屬夷將必生心。曰內附不保。首領土地而附緬得安全也。是我連各夷之交。而衆其敵。上曰思正旣以計誅。仍宜固內攘外。其母諉三十三年。越雋猓羅不靖。蜀撫吳用先平之。大帥者劉綎也。三十四年。兵科呂邦耀奏。土司安疆臣惡形漸露。初郭子章籍疆臣之力。故楊應龍

授首而事平之後。欲寬假以存信。而時論頗以爲非。云朱國禎云。安疆臣奉朝命甚謹。蜀撫喬璧星欲取安氏爲功。坐以侵占播地之罪。嘉功者遂以受賄棄地。劾前院王象乾逐之。去十一月二十七日。金沙江夷阿克一鼓而陷武定府。和曲祿勸嵩明三州並陷。執知府陳典。推官白明通。殺指揮金守仁。王守爵。縱囚劫庫。云報馬尚忠之仇。滇撫陳用賓奏至兵部。看議。勝夷逆部蓋三世矣。鳳朝父叛。殺同知袁俸。被誅。立酋族鳳繼祖。伏襲殺僉事張澤。討平。改上爲流。

垂四十年。今阿克卽鳳騰霄。及鄭舉乃其苗裔也。跋思故土。已非一日。各有司城池之律。森如也。天討加之。刑科蕭近高等劾奏。陳用賓沐叡失事狀。十二月鳳賊逼會城。掠元謀富民羅次諸縣。邀府印官帶。乃拔營而去。巡按周懋相時駐曲靖。以爲不當也。于是給事胡忻曰。城下之盟。辱莫大焉。滇撫法宜逮。三十五年正月初三日。普安道張俊臣。叅將張名世等。自小甸關而進。克復武定。阻鄭舉之回路。于白花山。洱海道彭應時。金滄道陳禔。曲靖道羅希孟。會挈之前。

後斬級二千九百有五十。用賓奏捷。十八日擒鄭文等。斬捕共四千三百九十有奇。兵部曰。真印未得。勞師可疑也。蜀撫喬璧星。差都司張神武。永寧叅將周敦吉。至奢世續之新衙。取其匿印。二弁領兵千餘。恣行劫掠。其夷目閻宗傳等。以救主母爲名。燒劫永赤。普摩一帶。官軍被戕三百餘人。巡按馮奕垣以聞。詔褫神武敦吉官。下所司問之。黔撫郭子章奏記。四川大兵進壓鎮雄者。以隴澄爲奢世續之壻。疑其藏印。今澄已獻印。交奢崇明。而世續已擒。閻宗傳等已

降矣。隴澄退而請罪。請罷兵。於是兵部議。鎮雄孤地。改土爲流。與之休息。以柔遠也。悉得旨允之。始蜀撫喬璧星之遣張神武也。知其印藏于酋婦奢世續所。如不可訓。從而執之。畢節道顧起淹。忌神武。而黔按馮奕垣劾其事。以爲普安摩泥之殘。蜀兵爲之也。冬。安堯臣陽順陰逆。復取水鎮。各目把七萬人。欲犯建武筠連高拱諸縣。于是喬璧星奏曰。安堯臣以水西土舍。謀占鎮雄。擅自稱官。敢行僭逆。殺土知州胡維堯。土經歷艾忠。而滅其家。逐威信安靜二長官司。

而沒其產。任其鴟張。縱爲蠶食。必創驅之。拜疏之日。移師敘南。大學士賡朱曰。佳兵者不祥之器也。請靜之。御史李時華給事戴章甫等亦曰。大兵大木之後。休養爲先。兵部覆議得。請撫臣所奏。本當征勦。但印卽獻出。奢世續姑釋放。閻宗傳撥置之罪。且饒擒治。許其自新。其鎮雄還求隴氏子孫承襲。安堯臣歸本土司。遙授職銜。不許冒襲隴職。安疆臣用心約束。朕視華夷。皆吾赤子。涵育生全。不忍置之鋒鏑之下。六月滇撫陳用賓奏記八百大甸宣慰司自古不實。

洪武間曾一至。今酋景邁荷咸齋蒲葉緬文恭進牙象二隻。此成周越裳之足音也。請嘉絕域之輸誠。大宗伯條具錦紵布鈔數。詔賞之。三十六年武定知府陳典之剝削也。以榜掠馬頭鄭舉。遂糾川首欲復鳳安。而阿克鄭舉等攻陷武定祿豐元謀。尋甸諸城池楊禮等陷嵩明。以誅貪撫爲名。於是巡撫陳用賓以次恢復。御史梁州彥劾奏用賓往者順寧之役。土司猛廷瑞以寃死。叅政李先著以誣繫。復遣黃宮三入暹羅。糾合滅緬。乾沒衛兵。私開邊釁。頃戮阿克以

假爲真。旣而川東獲真阿克。而縱令張名世殺掠土漢。如鄭文被擒。報詞互異。前曰張惟忠之獻出。後曰二都司之捕獲。舛矣。詔曰賊夷速破八城。幾失省會。其逮陳用賓沐叡。罷藩長薛夢雷。四月兵部議下撤兵之旨。令安堯臣退歸。授以職銜。仍求隴氏子孫襲職。以撤兵責之蜀。以堯臣退還責之黔。而蜀巡按錢桓策之曰。堯臣歸黔。畱妻子于鎮雄。每寨畱土兵二百人。此其絕隴侵雄之形。已判。整兵移鎮。良非得已。五月蜀撫喬璧星奏。鎮雄近立星官。隴阿固而

安堯臣密計叛目。喳多糾色者等。抄奪主母者氏而殺者。它諸目。堯臣駐大方。諭水西夷日猓含等。領軍以從。驅安挾隴。此其時矣。三十七年。雲南巡鄧漢曰。滇十數年。一困于征緬。再困于羅平。三困于猛廷瑞。物力蕭然。加以稅監之搜求。叅隨之磨吮。近日武定之變。偏成甌脫。曲靖金商。僉派殷實。增金至五千兩。煎釜破產。不可勝數。請蠲減焉。六月蜀撫喬璧星奏。建昌之變。土官被弒。夷裸無主。擁戴土婦祿氏。傳調。蝟起。總以祿承爵之故耳。僉書張洪烈。巡道蔡守愚。

各戴罪討賊。三十九年滇撫周加謨報破岳滅賊獲印復地。十月廿八日斬級二百有四十。兵部敘鄧漢之捷。生擒鳳阿克鄭舉者。金誠劉靖寰也。臨陣捐生者蘇夢暘五人也。各陞贈有差。巡按錢桓疏曰。黔撫郭子章謂水西鎮雄原一家。而安堯臣爲隴富之後。是以黔土舍據蜀土府。特未核舊牒耳。李化龍云。隴澄之爲堯臣久矣。崔景榮曰。堯臣者水西安疆臣之弟。黔不可襲蜀也。堯臣以入贅奢氏而來。遂合吳旻彭月政逼女官者氏之印信。誘叛目嗜多攻其主母。

橫矣。四十一年正月。建昌衛貢生何魯告變曰。自丁未來。土官安世隆被殺。妻祿氏與土舍安崇業爭職。互抄都司韓錫。頗有担当。竟以忌阻。建昌拾屯萬有六千石。叛猓列咩安義白虧戈備占奪之。守備胡維城周世忠死于其刃。前撫喬壁星移兵越巂。叅戎陳策冒矢石得少寧息。及總兵侯國弼乏餉。而各叛據廬水。連金沙。殺守備李正實等。孤城數圍。恐五衛非國家有矣。貴撫胡桂芳曰。汰揀千人立爲奇營。歸統之于驛傳道。則事權一也。銅仁鎮標與平頭二備兵

全邊略記
專制紅苗。他不過護滇路耳。宜分一于龍新。分一于平興。分一于普定。分一于都勻。則上下二路通矣。新添叅將轄百人。併于操捕。都司可裁其冗。總兵鄧鍾有倒冲田心龍魚凱樓之捷。水碾黃栢諸苗。無足慮也。三月霑益土知州安紹慶告變。安堯臣糾目恩備等。越入州境。沿抄必迫。故剛一十六營。殺者三百人。擄二千計。盡焚積聚。乞亟賜誅。滇按毛堪曰。水西最強。安堯臣最狡。夫烏撒霑益。其始祖親兄弟也。萬曆改元。霑益乏嗣。以烏撒之次子安紹慶往繼之。丙申

烏撒乏嗣。以霑益之次子安效良往繼之。宗派甚明。多官定議。與水西之安酋。毫無與也。迺暴強越境。全省震驚。乞下黔司。力誅其狀。四十二年。思南苗叛。百姓譙月聯等告變。下黔撫胡桂芳治之。給事張鍵曰。桂芳今日。以爲自我崇階厚祿乎。從吾民之刳腹抽腸。割乳剖胎而來者也。請賜罷斥。黔撫張偲奏。安順安壯之行劫。則鎮寧土舍于騰龍部苗也。騰龍逃于泗洲。行兵備彭憲范捕之。而陸衛新添平越。劇賊數百。行副帥陳寅捕之。四十三年七月。黔按毛一鷺奏。

苗仲肆毒。羣情騷動。旣縛典史沈懋敬。又屠指揮楊可久。銅仁之要撫。平壩之臨城。黔之遺黎。何其不幸。亟勅撫臣張鶴鳴。總兵鄧鍾。爲之行勦。于是太僕劉述祖。公疏乞帑十萬。以濟軍興。不報。四十五年。黔撫張鶴鳴奏。勦苗仲。而按臣楊鶴。以爲餉無所出。請帑金四萬。以其半困之。以其半善後。寢不報。六月。黔按楊鶴奏曰。撫臣張鶴鳴奉命大創。進勦之初。止于定番廣順。近復勦洪邊。兵分南北二路。洪邊收拾稍易。定番廣掃蕩甚難。今者斬首六千餘級。而番寇俱聚。

勞平。其氛尚惡。大都始勦而終撫。聲勦而叅撫也。樞部覆張鶴鳴之議曰。烏撒爲滇蜀咽喉。衛則轄于黔。府則轄于蜀。似宜改蜀于黔。援普定之先例。推永寧所未行。區畫最便。施秉控據苗穴。爲鎮遠門戶。乃縣則黔屬。而戍楚。守備則楚官。而駐黔。跡似犬牙。勢分秦越。當明戰守兩資之便。蜀撫饒景暉。巡按吳之皞。疏烏撒改隸黔中。其土知府安效良。言之泣下。先是貴州宣慰安堯臣。以爭襲啓疆。逐效良于霑益。今復令其聽水西之齟齬。委羊而飼虎。改隸則害大而。

變生矣。若開天橋。厥礦夷情洶洶。愕駭難勝。請已之。四十六年二月。黔撫張鶴鳴疏曰。兩江惡苗。楊應龍之餘孽。界在鎮遠。施秉。平清。偏鎮。四衛之患。年來攻圍縣城。勢雖猖獗。一月可平。平之不當背楚。于是楚按彭宗孟爭之曰。黔委楚于苗。吻也。兩江召釁。一良吏足辦之。毋以疆場爲戲。鶴鳴曰。兩江無廣定之多。亦無平定之強。臣願乘此勦局。傳檄于楚。不得不期會。而道臣蔡復一。故諭苗曰。聞原願反黔。勦爾。我不忍殺黔。亦無兵。此復一外挑苗。內構宗孟。鑠金之口。

也。五月。援遼總兵劉綎議調川貴土司三萬人。兵書黃加善裁其數曰。如閻宗傳之羈囚。奢寅之跋扈。并平茶石梅。右耶羅華。羅用王朝臣等兵。雲南李俸部兵象奴五十人。廣西殺藥解藥四十人。苗刀三千。抱并可免調。以煩瑣屑。計調九千八百二十九名。卽以雅黎遊擊周世祿。廢將吳文杰。周敦吉。周一桂。分統之。七月。黔撫張鶴鳴奏三省紅苗之劫奪四十八旗也。分勦之便。其四川苗首石千斤。石老龍。老架老等。曰十四寨。責成酉陽石耶邑梅三司緝之。其湖廣苗。

首龍老黨尤等九十八寨。責成永順保靖二司及鎮溪緝之。貴州苗首尤老保老等五十六寨。責成銅仁總兵緝之。八月永寧宣撫司奢崇明告變。水西奢社輝屯六十營。遂抄蘭地。殺擄無算。謂蘇似洵之入大方。來崇仁之請假還籍。有以搆之。蜀撫饒景暉奏請雜治之。四十七年。遼左用兵以來。當事者以徵調三省都司爲長策。戶部主事楊嗣昌疏言。遠戍沙場。非其本願。一有不測。將舉兵加誅。又言各處土兵。俱爲遼出。此苗仲得志之秋。橫肆攻圍之日。水蘭之役。黔

蜀相爭。以莫解之寃。共行間之役。勢必有變。不報。天啓元年九月十七日。蜀撫道鎮。俱臨重慶。誓師援遼。蘭酋奢崇明率樊虎樊龍等作亂。撫徐可求道孫好古。駱日升。李維周。重慶同知張文煥。推官王皇宅。順慶同知但世科。巴縣段高選。敘州同知熊嗣光。總兵黃守魁。叅將萬全。指揮正登爵等。同時遇害。募兵給事明時舉。御史李達。通判王天運。負傷踰牆而出。城中伏尸以萬計。納溪瀘州江安三城。俱經燒劫。興文知縣張振德。勢不能支。同妻錢氏子張純。顧氏女淑

安淑慶同自焚。僕嚴英顧美死之。永州長寧榮昌俱已空竄。惟主簿徐大禮一門仰藥。南溪令王願甫。灌縣令左重。桐梓令洪維翰。訓道趙愷。指揮韓應泰。李世勳。郁聯若。張羽。鄉官同知董盡倫。俱力戰死。合州守翁登彥。江津令周禮嘉。率眾坐守。剄其鋒。川北一路尚藉安堵。巡按薛敷政具題。布政朱燮元署巡撫事。二十八日酋陷遵義府。以播孽聲之也。所司袁任逃去。馬鳳雛。龔萬祿死之。十月十二日富順縣爲賊所據。資陽內江蘭州皆望風潰。周邦太遂降。巡按薛

敷政與布政朱燮元。周著。部署迎戰于資陽。指揮冉世烘。雷安世。瞿英陷陣死。賊乘勝抵省城下。按察林宰胡承詔。戴燦。郎中劉可訓。總兵沈崇極。都司陳繼先。張承恩。魯美中。薛來衍。范繼道。顧鳳翔等爲之防堵。推官郭象儀結土司戰江門而歿。二年正月二十日。總督張我續由棧道帶毛兵入。奢酋時據新都。僞勅生員向上進爲副使。自稱大梁天順元年。安綿道馮勞謙。湖廣楊監軍。述程。同秦良玉兵。譚大孝兵。皆至廿八日。攻復新都。郭縣金堂。旋而克捷。成都解而

遵義復。三月太僕劉時俊因蜀事召募。抵荊州。聞遵義之報。逆首安巒據之。又聞安邦彥直逼貴州。惟金力坑之役。侯良柱黃運清與安賊遇而敗之。副使徐如珂同知越其杰。知縣劉國藩。鄉紳董盡倫。極力支之。金富廉李大儒。破產募兵。亦竭矣。女官秦良玉。羅壩將譚大孝。忠州判胡平表。乘銳以來。往年征播費至四百萬。千里爲墟。亟請發帑。總督張我續。嘆之。遂誣時俊抵于法。時黔首安邦彥攻陷龍里。甕安進圍貴州省城。巡按史永安告急。四月奢賊據渝城。七閱

月矣。虎視瀘。形占三寨。阨險二關。以爲天塹。監軍楊述程丘志充總兵。杜文煥以廿二日攻佛圖關。叅將楊克順前衝賊營。而石柱司秦明屏統勁兵出賊背。忠州判胡平表督河南北土溪。各兵並進。二郎關俱下。直逼渝城。賊十七大營皆空矣。五月廿七日薛總兵來胤。盧叅政張副使。計誘樊籠張彤。遂克渝城。復之。六月廿五日。蜀撫朱燮元以計誘酋將宋武等。縛何若海于中青。若海充僞丞相。周鼎郭鼎鉉廖盛佐之。今入吾網。膠致檻車。其宋武張令張三重何法

秦周俸陳大臣閔侍孔等。赦其從逆。姑與維新。黔撫因賊犯新添。叅將范仲仁。敵之于瓮城。失利。副帥徐時逢坐擁不救。顧乃誣范以違制治之。巡按侯恂曰。馬一龍白自強表表者。今皆覆沒。豈不痛哉。七月十五日。總兵楊汝懋與賊戰于江門。布陣未齊。譚大孝兵先潰。汝懋曰。一死耳。奮擊數十人。遂死。鄧懋官全軍而還。坐營趙光啓。吳民望。王功。馬純。祖李宗。顏張子偉。焦之才。王朝舉。黃金。楊柱。先。徐永武。黃起。鳴。皆死。八月初二日。叅政吳國仕。都司陳一龍。戰賊于金

刀坑。斬沈朝棟等三百餘級。于是扶國禎之毒羽。水西之凶聲。稍稍恫矣。九月。滇撫沈儆。炳。援黔之師。兩路並阻。尋。甸。嵩。明。武。定。三城。幸無恙。平夷。霑。益。二城。漸次恢復。監軍黃似華。知羊場。捕鮮之爲崇也。以千金諭之。令其擒設科等。而捕鮮反覆。叅將尹啓湯。率沙源。大破之。賊遁普安。復圍越州。而燬羅平。官軍截之。敗去。於是儆。炳。會。沐。昌。祚。以報曰。祿。千。鍾。之。攻。尋。嵩也。叅將袁善。知州周士國。王育德。退之。張世臣之攻武定也。叅將李思忠。知府胡其慥。退之。設科之犯

曲靖也。副使黃似華叅將尹路湯退之。今捕鮮復犯越州。羅平大有斬獲。而望餉如渴。請籌之。十月十三日。黔按史永安曰。部咨稱奢氏母子自足以制邦彥之語。臣不覺仰天長嘆矣。二月初。賊領羅黨苗仲數萬圍會城者。六月。誅訪塘報餉路盡斷。而威清平壩安莊烏撒安南普安定番所攻不一。陷安順。則推官徐朝紳死。陷廣順。則知州鄭鼎虜。陷畢節。則同知楊以成縛。副使孫克恕歿矣。各衛之中于矢石者尤衆。春時滇撫遣都司李天常援普安。意主息兵。而賊首

羅應魁詐降于盤江。誘至疊水。全軍盡覆。此撫之爲害也。明甚。劾奏張我續王三善。有旨責其戴罪入援。史永安李樞破格嘉之。時城中斗米四十金。父子相食。撫截髮。按刺血。學道劉錫玄有殺妾餉士之風焉。十一月初五日。貴州圍解。巡撫臣王三善駐平越。纔得兵一萬三四千人。同監軍向日升從中路。何天麒從清江。楊世賞從都勻。舉人丘禾嘉大將劉超斬賊阿成禪。將楊明楷。孫元謨。劉志敏等。奪龍里次宅。溪殊死戰。凡七日。奪高寨。安邦俊斃于銃。斬級無算。

賊遂遁于老鴉關。入陸廣。總督楊述中奏總兵魯欽馬炯。都清道楊世賞。由烏江入。帥龍萬化。秦明屏。楊通霑。由中澤林入。撫臣王三善爲後勁。潛師渡河。鹿廣者七營矣。三年正月。四川巡按張論塘報。奢崇明父子列數十營于武林。列七營于長寧縣之白塔山。二月。復圖仁合諸處。我爲間于安鑾。鑾遂拔營而降。土倫聞之亦降。而黔剪首腹心。土城併奪。卽今遵義恢復。監軍道趙邦清。推官胡平表。副帥侯良柱。秦衍祚等之力也。安鑾者奢寅之右臂也。趙邦清謀所以

招之。而鑾心定。交僧了相。劉崇德等。誘以厚貲。叅將侯良柱。往行間說。而鑾妻子爲賊將符國禎所挾。良柱乃夜舉兵接之。黔撫王三善報曰。臣議援兵。俱抵會城。便當猝而壓賊。按陸廣河一路。直抵大方。奢氏鴨池河一路。直抵安邦彥巢矣。楊明楷爲先鋒。孫元謨。劉志敏。佐之。副總兵劉超統之。楊世賞監其軍。進龍里。劉范曾成爲先鋒。黃連金。汝李師沆。佐之。平蠻總兵張彥芳統之。河天麒監其軍。進威清。正月五日。秦明屏連破賊。獲其母子。十二日。賊伏十數萬。諸營

遂潰。以採糧而乘其壘也。秦楚之兵各無戰氣。賊黨何中蔚宋萬化等督四十八莊兵圍青巖而斷定番之糧。苗仲爲左右翊。期犯會城。我師祁繼祖等破龍里燬寨百五十。斬首四百二十級。王建中等救青巖。斬首三百二級。王元佐等斬首三百三十級。于是定番路亦通矣。二月滇撫閔洪學彙報捷事曰。霑益逆酋補鮮叛黨阿九等。攻犯羅平師宗。檄裨將施翰李思忠等前復斬級千五百有奇。二十四營之叛。阿九安應龍驅之。而補鮮主之。兩歲來普安平夷六涼亦

佐。勾連苗類勢若連雞。滇之與黔陰合而一。此番執訊伏城有機。而秦兵沙兵亦爲助。三月補酋賈千金。要北十二營長阿西等。投把事尹土保。以固盤江之援。叅政謝存仁叅將袁善率精兵火攻之。大敗其衆。平夷得全。三月巡按侯恂策黔曰。滇兵下盤江以斷賊之臂。川兵出遵義以扼賊之吭。粵兵進四城以冲賊之脇。此黔之全局也。屯陸廣清上衛守烏江。今宋酋何酋被縛。川人賀戰勝。賊遁竹將唇齒寒矣。四月十五日監軍道閔夢得李仙品劉可訓搗巢之捷。從

小西門入。一舉而攻永寧。二酋逃壁于紅崖。擇女子千人。金銀十萬計。乞援于水西。水西頭目魯仲賢率兵來自白沙。入于獅子。爲蘭酋犄。大帥李維新等斬克耿洞。及其僞將阿稱。招撫赤水等二十三洞。四十八寨。斬級千有二十八。五月仁合路監軍王世仁。徐如珂。率土將秦翼明。羅乾象。戰于銅鼓。真綏。遵義。監軍吳國仕。趙邦清。大集而攻古蘭。而天台。罔賊。目。羅輔貴等。皆倒戈來歸。六月廿四日。總督楊述中。以都清道。楊世賞軍情報曰。叅將王建中。捕賊于姑蕩華。

得四百八十七顆。七月。總督朱燮元報曰。逆賊父子庇水西。聚殘苗。而挺其險。今蘭目趙國壁。西日游朝炳等。相次乞降。臣檄大帥李維新。分部團擊。劉養鯤。縱火于龍場。林兆鼎。勝于楠木刁菱。得級四百五十七。秦衍祚。攻于茶園橫山。得級三百八十四。前後降衆計五千人。行間者劉可訓。趙邦清也。閏八月。御史劉大受曰。楚餉黔非計也。黔局結于一時。楚運瑣于歲月。黔不支而楚隨之。莫若發帑稱便。始奏膚功。兵部覆王尊德疏曰。督臣不和宜更也。設偏沅巡撫。專

理楚餉。征播例也。勞臣有功宜敘也。謂王三善等解圍之勳。蜀滇協勦宜力也。安効良借臂于水西。安邦彥走險于烏撒。滇越象嶺而據普定。蜀堵口藺而截龍壩。黔得悉力擊安矣。餉路戍兵宜設也。謂清平平越諸隘。土司郭順宜獎也。謂定番州十二土司募弩手運米而入圍城。班麟貴扼安賊下道。不爲遮殺。鐵貯花甲等夷樂從轉糴。而沙源掃境赴援。大應旌賞。逆賊詭計宜防也。乞撫退舍。緩我師之謂也。十月貴州巡撫蔡復一。謂水西兵可六千。乃自鎮遠以抵亦

資。千里四環苗種。有獯。有狎。有仲。有蔡。有宋。周羅鬼。昔之陷普定破龍里。皆衆苗噓之也。非制苗無以孤賊。非附民無以實黔。而楚餉之後。輸未濟。前貯已空。呼吸無餘命矣。兵部策西南夷曰。搗虛之說。以從陸廣。鴨池爲聲。以從遵義。西寧爲實。轉奇爲正。須借特角于川中。坐困之法。距廣河以扼吾險。收沃壤以待其饑。用靜制囂。須防走挺于水外。則何以離水藺。使無合而逞也。何以使安効良尹把事之無應于滇也。何以使沙羅二賊之無應于粵也。欲免獸窮之搏。先

防免死之悲。則坐困搗虛。總憑合力。而殲渠用間。妙在兼行。閔洪學又策曰。普安安南諸營。水西所暱也。我攜之。泗城烏蒙。水西所嫌也。吾餌之。以一軍出。亦資趨新興。襲土官營。謂之正兵。以一軍出黃村。趨魯土。襲馬乃。謂之奇兵。十一月初三日。尹王保據于八納。袁善因大雷夜。入而殲之。廿九日。監軍閔夢德。李仙品。劉可訓。分五路討賊。武臣則林兆鼎。范繼道。土官則秦翼。明羅乾象等。收其降將。胡世孝等。得生口十人。僞梁大上皇奢崇明。皇太婆安氏。皇伯奢崇輝。

丞相蔡貴。張問極。何以清。經略李廷。都督王承恩。尚書法答。總督張紳。侍郎葉木。惟寅中。二鎗。竊馬而遁。龍場遂虛。四年正月初二日。按臣報曰。黔撫王三善。于去臘。部署大將魯欽。馬炯。監軍尹伸。向日升。岳具仰等。從畢節進大方。攻破金營山。安位。奢社輝。竄入火灼。安邦彥。奢寅。逃入織金。又入龍場。擒奢崇明矣。班師回。將抵化竹宅。吉。各洞擺鬼。蜂擁六聚。我兵登山。苗以火。遂爾大潰。三善被創。落馬。苗扶掖之而去。蓋誤陳其愚之詭降也。

文臣同知方明棟。梁思泰。進士田景猷。知縣萬應奎。捕官

楊思炎知縣陸從龍武將王達陳濟民李邦王建中
王得勝董兆舜秦明屏藍補哀陳我謀田有龍耿良
張要宗延齡尤正國周國用聶應德馬武單天胤李
紹忠譚事君劉象民羅承富曹思敬黃中和劉應龍
陳富俞報國張俸楊鯨羅袍羅承寵
劉仲時楊通張懷等等俱歿于陣
二月總督朱燦
元疏臣履戎行問古藺落紅大壩新寨太平瀘江皆
膏腴也地雖隸黔土實在蜀聚五路之師費三年之
力始就廓清蜀自遵義郡縣以來不以得土為利反
以養兵為累談及改流輒多感額然永寧一片土西
至建武東至遵義三面環賊未可仍置宣撫也論者
欲以赤水河為界河以東龍場一帶悉與黔河以西

至永寧悉還蜀而永寧居中設立道府稱便或照黎
平鎮遠之例蜀自郡縣黔仍衛所地勢人情必出於
此矣六月十七日總督楊述中奏大將魯欽攻貴州
平茶斬級三百十月凱里土官楊世蔚告急曰安酋
結苗據岩頭則凱里不能支大帥魯欽尅其寨而運
道接四衛矣五年三月我師魯欽劉超黃越深入水
西襲于織金斬首八千有奇十二日我師稍懈施兵
暗通西兵倡逃焚營遂敗績督臣蔡復一列諸將罪
狀下部條晰之五月滇撫閔洪學曰霑益州夷九漢

一而吏之爲營火者四十有八。自烏撒軍逃而州墟矣。自擒設科而後。土官安遠死。姑以流官領之。始有赴州輸糧者。土官沙源拮据急公。宜加鼓舞。又奏報曰。烏撒土酋安效良。水西肺腑也。自擒安應龍而首不自忘。故西烏雷其截黔而向滇者。勢騎虎也。三十九營衆殆十倍。副總兵袁善。土官沙源。吾必奎龍。在田等。血戰霑益城下者。凡五日夜。破賊五六萬。亦已奇矣。布政謝存仁。叅政王鎮。同知吳思溫。皆有存城功。修撰王應熊。獻五策曰。固本屯守。行師進取。勦撫。

此五者而西南可定也。侍郎沈演曰。招夷目以誅邦彥。得邦彥而赦安位。所以善黔而專遼也。十月總督朱燮元。陳會勦機宜曰。滇之正兵。須出沾益。遏效良。佐闔之謀。而又另布天生橋。尋甸等處。以杜其走蜀之正兵。宜臨畢節。扼諸夷合縫之區。而另抄出龍場。岩後。以奪其險。黔之正兵。宜繇普定。渡思臘河。徑趨逆彥巢穴。而繇綠廣。鴨池。以搗其虛。粵西之兵。徑出四城分頭策應。三方布置既定。八道聲勢相連。臣率大兵繇遵義。約定期會。鼓行並進。六年三月。偏沅撫。

全邊略記
閔夢德黔撫王城報曰安邦彥率眾數萬渡江與我
兵大戰四日大帥魯欽死于營中十六日賊燒麻姑
孫官堡逼于城下矣巡按傅宗龍告急曰魯欽蹉跌
苗仲蟻趨臣等先遣王國貞守攻河沙壩之獬鬼盡
俘斬之而廣順定番青岩白納一帶之狡夷爲之奪
氣繼遣張雲鵬等拒逆彥於趙官堡小戰二日大戰
二日所殺傷者無算水內水外之賊奔走潰歸十月
貴州巡按傅宗龍奏苗仲之捷道將周弘暉張雲鵬
胡從儀陳謙共斬苗勾哈功級一千二百七十五名

獨山州土官蒙詔其子蒙恩裹糧特表公勇擺沙一
役合算于四朝焚巢于半夜擺尤擺客打里西岩等
寨猶振落也撫則王城督則蔡伏一也敘賚有差七
年總督閔洪學敬陳進取機宜曰賊之藩籬東爲播
北爲藺叢已盡撤獨畢節一路與西夷通耳絲永寧
而普市而摩泥而赤水百五十里悉皆坦途赤水城
郭尚可憑而守宜結老營于此整頓兵馬積儲糧草
事事庀具移營漸進四十里爲白岩六十里爲層臺
又六十爲畢節至大方不滿六十里賊必併力而禦

非重兵不能奔而據之。畢節一據。則四夷交通之路斷而大方震恐。然後貴陽遵義之兵。尅日并進。賊必不能支。按臣之疏。所云貴取之二逆者。端在此矣。此舉宜爲久不爲者。蓋緣貴陽至畢節三百餘里。中爲水西隔絕。黔文武吏俱駐貴陽。豈能分身。越險永寧之道。鎮兵將俱隸四川。又豈能舍已芸人。以故頻年置而不講。使必據之要害。棄爲甌脫。可耕之沃土。鞠爲蒿萊。良可大息。

職方氏論曰。詩有之。价人維藩。大師維垣。豈不譙遠

矣哉。孝陵剖符沐氏。世填西南夷。爰及苗裔。長陵伐交趾。張氏建麾不終。卒致叛貳。蠻夷之習。所腓其人。所頂踵其類。雖歷世不變。蓋其性也。因而治之。使得掌兵蔽華。交制竊發。然而襲替之權。必萬里赴闕。或獻馬象方物。惟謹言有君也。必有尊也。貢琛通道于中朝。姑息乃寬其介使。於是越數十年。而有天順間。呈繳勘奏之制。越數十年。而有成化間。納穀備賑之制。遠人無罪。懷璧其罪。以一紙書開其悍。以一斗粟陋其規。流之濫觴。雖釐更仍。世宗初御。約法

稍簡易。然掌股掣曳。終不能復。祖宗之舊焉。鄭端簡明有言曰。畫正疆理。則鄰族靡爭。預陳嫡孽。則宗庶自定。世及之際。以時覈聞。錢穀之輸。一切報罷。飭武事于節制。修文德于廟堂。誠哉訓述之有章也。雲南酋長以什伯數。而元江永寧鎮沅孟良景東爲之最。向背靡常者。鎮南蒙化順寧霑益也。諸甸約束騰衝。諸羅窺竊尋靖。益之反復。而麓川之虛耗。孟養之曲徇。又多歷年歲。征發京軍。大者秩萬戶。爵次及養子門朋。曾何補于柔遠輯邇之道。貴州酋長以什伯

數。而泗城之北窺。永寧芒部之南擾。畢節有播之外突。普凱之內潰。交讒構亂。喜禍弄兵。四川酋長以什伯數。而烏蠻阻其東南。蔓繞西抵番族。龍州咽喉于松番。每遮向道。烏蒙烏撒諸部。內黨日堅。敘瀘之間。聯其醜類。惟是播州旁通四省。逆節忍自房闈。夫雌鳳何損于版圖。乃悁悁繕征。匹夫匹婦。瘳手彘軀于負米。轉于棧峽中。楮其酋宮。名稱郡縣。雖時逢萬曆。內帑充溢。而魚鳧蠶叢間。蕭然苦兵矣。未二十年。而有奢安之變。是時因遼。騷及西南夷。至括楚水以上。

五省之力。移留都歲運。遙應援黔。腹裏益竭。其策愒矣。漢人出竊。笮馬。焚僮。斃牛。採珠採木。伐金錫礦徒。因緣爲奸。防閑多廢。而大小吏以武斷荒服。滋好貨之寶。將母謂。明天子遂不見萬里外耶。安其居。宣其用。生其共有位者之風也。

全邊略記卷之七 終

西歷丙申

